

## اتوار 19 اپریل، 2026

### مضمون۔ کفارے داعقیدہ

سنہری متن: متی 10 باب 8 آیت

”بیماراں نوں ٹھیک کرنا۔ مردیاں نوں جوانا۔ کوڑھیاں نوں پاک کرنا۔ بدروحاں نوں کڈھنا۔ مفت تسی پایامفت دینا۔“

جوابی پڑھائی: 1 یوحنا 1 باب 1، 3 توں 5 آیتاں

1 یوحنا 3 باب 1 توں 3 آیتاں

1۔ اوس حیاتی دے کلام دی بابت جیہڑا شروع توں سی تے جنہوں اسی سُنیا تے اپنیاں اکھیاں نال ویکھیا بلکہ دھیان نال ویکھیا تے اپنے ہتھ نال چھوویا۔

3۔ جو کجھ اسی ویکھیا تے سُنیا اے تہانوں وی اوہدی خبر دینے آں تاں جو تسی وی ساڈے نال شریک ہوو تے ساڈی شراکت پیو دے نال تے اوہدے پتر یسوع مسیح دے نال ہووے۔

4۔ تے ایہہ گلاں اسی ایس لئی لکھدے آں پئی ساڈی خوشی پوری ہو جاوے۔

5۔ اوہدے توں سن کے جیہڑا پیغام اسی تہانوں دینے آں اوہ ایہہ اے پئی رب نور اے تے اوہدے وچ ذرا وی ہنیرا نہیں۔

- 1- ویکھو پیونے ساڈے نال کیسی محبت رکھی پئی اسی رب دے پتر اکھوائے تے اسی ہے وی آں۔ جگ ساہنوں ایس لئی نئیں جان دا پئی اوہنے اوہنوں وی نہ جانیا۔
- 2- عزیزو! اسی جان دے آں پئی جدوں اوہ ظاہر ہووے گاتے اسی وی اوہدے وانگر ہونواں گے۔ کیوں جے اوہنوں اوس طراں ای ویکھاگے جیس طراں دا اوہ ہے اے۔
- 3- تے جیہڑا کوئی اوہدے توں ایہہ آس رکھدا اے اپنے آپ نوں اوس طراں دا ای پاک کر دا اے جیس طراں دا اوہ پاک اے۔

درسی وعظ

بائبل وچوں

1- متی 4 باب 23 توں 25 آیتاں

- 23- تے یسوع سارے گلیل وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کرداتے لوکاں دی ہر طراں دی بیماری تے نت کمزوری نوں دور کردارہیا۔
- 24- تے اوہدی شہرت سارے سوریہ وچ پھیل گئی تے لوک سارے بیماراں نوں جیہڑے وکھریاں وکھریاں بیماریاں وچ گرفتار سی تے اوہناں نوں جنساں وچ بدروحوں سی تے مرگی والیاں تے مفلوجاں نوں اوہدے کول لیائے تے اوہنے اوہناں نوں چنگا کیتا۔
- 25- تے گلیل تے دکپلس تے یروشلیم تے یہودیہ تے یردن دے پار وڈھا جتھا اوہدے مگر ٹریا۔

## 2- متی 5 باب 1 توں 12 آیتاں

- 1- اوہ ایس جتھے نوں ویکھ کے پہاڑ اُتے چڑھ گیا تے جد بیٹھ گیا تے اوہدے چیلے اوہدے کول آئے۔
- 2- تے اوہ اپنی زبان کھول کے اوہناں نوں اپن ج تعلیم دین لگیا۔
- 3- دھن نیں اوہ جیہڑے دل دے غریب نیں کیوں جے اسمان دی بادشاہی اوہناں دی ہی اے۔
- 4- دھن نیں اوہ جیہڑے دُکھی نیں کیوں جے اوہ تسلی پان گے۔
- 5- دھن نیں اوہ جیہڑے حلیم نیں کیوں جے اوہ دھرتی دے وارث ہوون گے۔
- 6- دھن نیں اوہ جیہڑے راستبازی دے پگھے تے تریائے نیں کیوں جے اوہ رجھن گے۔
- 7- دھن نیں اوہ جیہڑے رحم دل نیں کیوں جے اوہناں اُتے رحم کیتا جاوے گا۔
- 8- دھن نیں اوہ جیہڑے پاک دل نیں کیوں جے اوہ رب نوں ویکھن گے۔
- 9- دھن نیں اوہ جیہڑے صلح کراؤندے نیں کیوں جے اوہ رب دے پتر اکھوان گے۔
- 10- دھن نیں اوہ جیہڑے راستبازی دے پاروں ستائے گئے کیوں جے اسمان دی بادشاہی اوہناں دی ای اے۔
- 11- جد میرے پاروں لوکی تہانوں لعن طعن کرن گے تے ستاؤن گے تے ہر طراں دیاں بھیڑیاں گلاں تہاڈے بارے جھوٹ آکھن گے تے تسی دھن ہوو گے۔
- 12- خوشی کریو تے بوہت شادمان ہوو کیوں جے اسمان اُتے تہاڈا اجر وڈھا اے ایس لئی پئی لوکاں نے اوہناں نبیاں نوں وی جیہڑے تہاڈے توں پہلاں سی ایسے طراں ستایا سی۔
- 48- ایس لئی چاہید اے پئی تسی کامل ہوو جیویں تہاڈا آسمانی پیو کامل اے۔

## 3- متی 12 باب 22 توں 28، 46 توں 50 آیتاں

22- اوس ویلے لوکی اوہدے کول اک انھے کنگے نوں لیائے جیدے وچ بدر روح سی۔ اوہنے اوہنوں چنگا کردتا، ایس طرح کنگا بولن تے ویکھن لگ گیا۔

23- تے سارا جتھا حیران ہو کے آکھن لگ گیا پئی ایہہ داؤد اپترے؟

24- فریسیاں نے سُن کے آکھیا پئی ایہہ بدر روحاں دے سردار بعلز بول دی مدد توں بغیر بدر روحاں نوں نہیں کڈھدا۔

25- اوہنے اوہناں دے خیالاں نوں جان کے اوہناں نوں آکھیا جیس بادشاہی وچ پھٹ پیندی اے اوہ ویران ہو جاندی اے تے جیس شہر یا گھر وچ پھٹ پوے گی اوہ قائم نہ رہوے گا۔

26- تے جے شیطان نے ای شیطان نوں کڈھیا تے اوہ آپ اپنا مخالف ہو گیا۔ فیر اوہدی بادشاہی کیوں قائم رہوے گی؟

27- تے جے میں بعلز بول دی مدد نال بدر روحاں نوں کڈھداں تے تہاڈے پتر کیدی مدد نال کڈھدے نیں؟ ایس لئی اوہ ای تہاڈے منصف ہوون گے۔

28- پر جے میں رب دے روح دی مدد نال روحاں نوں کڈھداں تے رب دی بادشاہی تہاڈے کول اڑ گئی اے۔

46- جدا وہ جتھے نوں ایہہ آکھ رہیا سی تے اوہدی ماں تے بھرا باہر کھڑے سی تے اوہدے نال گل کرنا چاؤندے سی۔

47- کسے نے اوہنوں آکھیا ویکھ تیری ماں تے تیرے بھرا باہر کھڑے نیں تے تیرے نال گل کرنا چاؤندے نیں۔

48- اوہنے خبر دین والے نوں جواب وچ آکھیا کون اے میری ماں تے کون نیں میرے بھرا؟

49- تے اپنے چیلیاں ول ہتھ ودھا کے آکھیا ویکھو میری ماں تے میرے بھرا ایہہ نیں۔

50- کیوں جے جیہڑا وی میرے اسمانی پیو دی مرضی اے چلے گا اوہ ای میرا بھرا تے میری بہن تے میری ماں اے۔

## 4- یوحنا 10 باب 23 توں 31 آیتاں

- 23- تے یسوع ہیگل دے اندر سلیمانی بر آندے وچ ٹر پھر رہیاسی۔
- 24- ایس لئی یہودیاں نے اوہدے آلے دوالے اکٹھے ہو کے اوہنوں آکھیا توں کدوں تیکر ساڈے دلاں نوں ڈانواں ڈول رکھیں گا؟ جے توں مسیح ایس تے ساہنوں صاف آکھ دے۔
- 25- یسوع نے اوہناں نوں آکھیا میں تے تہانوں آکھ دتا پر تسی یقین نہیں کردے۔ جیہڑے کم میں اپنے پیودے ناں توں کرداں واں اوہ ای میرے گواہ نہیں۔
- 26- پر تسی ایس لئی یقین نہیں کردے پئی تسی میریاں بھیدیاں وچوں نہیں او۔
- 27- میریاں بھیدیاں میری آواز سن دیاں نہیں تے میں اوہناں نوں جان داواں تے اوہ میرے مگر مگر ڈریاں نہیں۔
- 28- تے میں اوہناں نوں ہمیشہ دی حیاتی بختند اواں تے اوہ ہمیشہ تیکر کدی ہلاک نہ ہوون گیاں تے کوئی اوہناں نوں میرے ہتھ توں کھونہ لوے گا۔
- 29- میرا پیو جسے مینوں اوہ دیتاں نہیں ساریاں توں وڈھااے تے کوئی اوہناں نوں میرے پیودے ہتھوں کھو نہیں سکدا۔
- 30- میں تے پیواک واں۔
- 31- یہودیاں نے اوہنوں سنگسار کرن لئی فیہر پتھر چکے۔

## 5- یوحنا 13 باب 1 آیت

1- فسح دی عید توں پہلاں جد یسوع نوں پتالگ گیا پئی میرا ویلہ اڑ گیا اے پئی جگ توں وکھ ہو کے باپ دے کول جانواں تے اپنے اوہناں لوکاں نال جیہڑے جگ وچ سی جیویں محبت رکھدا سی اوہ سے طراں ای اخیر تیکر محبت رکھدا رہیا۔

## 6- یوحنا 17 باب 1، 3، 4، 13، 19، 20، 22، 25، 26 آیات

1- یسوع نے ایہہ گلاں آکھیاں تے اپنیاں اکھیاں اسمان ول چک کے آکھیاں باپ! اوہ ویلہ آگیا اے۔ اپنے پتر دا جلال ظاہر کرتاں جو پتر تیرا جلال ظاہر کرے۔

3- تے ہمیشہ دی حیاتی ایہہ اے پئی اوہ تینوں خدائے واحد تے برحق نوں تے یسوع مسیح نوں جنہوں توں گھلایا جان۔

4- جیہڑا کم توں مینوں کرن نوں دتا سی اوہنوں پورا کر کے میں دھرتی اُتے تیرا جلال ظاہر کیتا اے۔

13- پرہن میں تیرے کول آناواں تے ایہہ گلاں جگ وچ آکھناواں تاں جو میری خوشی اوہناں نوں پوری پوری ملے۔

19- تے اوہناں دے پاروں میں اپنے آپ نوں پاک کر داواں تاں جو اوہ وی سچائی دے راہیں پاک کیتے جان۔

20- میں بس ایہناں لئی ہی درخواست نئیں کر دالکھ اوہناں لئی وی جیہڑے ایہناں دے کلام دے راہیں میرے اُتے ایمان لیاؤن گے۔

22- تے اوہ جلال جیہڑا توں مینوں دتا اے میں اوہناں نوں دتا اے تاں جو اوہ اک ہوون جیویں اسی اک آں۔

25- اے عادل باپ! جگ نے تے مینوں نئیں جانیہ پر میں تینوں جانیہ تے اوہناں نے وی جانیہ پئی تو مینوں گھلایا اے۔

26- تے میں اوہناں نوں تیرے نال توں واقف کرایا تے کردار ہواں گاتاں جو جیہڑی محبت تینوں میرے نال سی اوہ اوہناں وچ ہووے تے میں اوہناں وچ ہونواں۔

## 7- متی 6 باب 13 (کیوں جے) آیت

13- کیوں جے بادشاہی تے قدرت تے جلال ہمیشہ تیرے ای نیں۔ آمین۔

## سائنس تے صحت

1- 18:1-14 (توں،)

کفارہ رب دے نال انسان دے اکٹھ دی مثال اے، جیدے تحت انسان الہی سچائی، حیاتی تے محبت دا پور چھانواں بن دے نیں۔ یسوع ناصری نے انسان تے رب دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھارا اے۔ اوہدا مشن انفرادی تے اجتماعی دونوں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشتقاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

مسیح دا کفارہ انسان دی رب دے نال نہ کہ رب دی انسان دے نال مفاہمت کرواندا اے؛ کیوں جے مسیح دا الہی اصول رب اے،

## 2- 10:136-1 (توں)

یسوع نے مسیح دی شفا دی روحانی بنیاد اُتے اپنا چرچ بنایا تے اپنے مشن نوں جاری رکھیا۔ اوہنے اپنے کچھے ٹرن والیاں نوں سکھایا پئی اوہداند ہب الہی اصول سی، جیہڑا خطا نوں باہر کڈھ داتے بیمار تے پاپی دونواں نوں شفا دیندا سی۔ اوہنے رب تے وکھرے کسے سیان، کم تے نہ ای کسے حیاتی داد عوی کیتا۔ ایس مصیبت دے باوجود جیہڑی ایہدے پاروں ای اوہدے اُتے آئی سی، اوہنے الہی طاقت نوں انسان نوں روحانی تے جسمانی دونواں طرفوں دی مکتی دین لئی ورتیا۔

سوال اج وانگر اوہدوں وی سی، پئی یسوع نے بیمار نوں کیج شفا دتی؟ ایس سوال اُتے اوہدے جواب نوں جگ نے رد کر دتا۔

## 3- 20-3:315

مالک دے ایس اکھان نے پئی ”میں تے پیواک واں“ اوہنوں ربیاں دے روایتی نظریے توں وکھرا بنایا۔ رب دے بارے اوہدی چنگی سمجھ اوہناں لئی جھڑکاں سی۔ اوہ بس اک سیان نوں جان داسی تے کسے دوجے اُتے اوہنے کوئی دعویٰ نہیں کیتا۔ اوہ جان داسی پئی اناسیان سی نہ کہ بدن سی تے ایہہ پئی مادا، پاپ تے بدی سیان نہیں سی؛ تے الہی سائنس دی ایہہ سمجھ اوہدے اُتے زمانے دی بھٹکار لیاؤن دی وجہ بنی۔

لوکاں دے مخالف تے جھوٹے نظریاں نے مسیح دی رب دے نال حیاتی نوں اوہناں دے فہم توں لکو کے رکھیا۔ اوہ اوہدی روحانی وجودیت دا شعور نہ پاسکے۔ اوہناں دے بدنی ذہن ایہدے نال ویر رکھدے سی۔ اوہناں دے خیال

بائبل دا ایہہ سبق پلین فیلڈ کرچن چرچ، آزادولوں تیار ہو یا۔ ایہہ کنگ جیمز بائبل ویاں آیتاں تے میری ٹیکر ایڈیٹی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

رب دے اوس روحانی نظریے دی بجائے جنہوں مسیح یسوع نے پیش کیتا فانی غلطی نال بھرے ہوئے سی۔ رب دی صورت جنہوں اسی پاپ دے پاروں نظر انداز کر دینے آں، جیہڑی سچائی دے روحانی فہم اُتے پردہ پاؤندی اے، تے اسی ایس صورت نوں بس اوس ویلے سمجھدے آں جدوں اسی پاپ دے اثریٹھاں ہن آں تے ایہنوں انسان دی وراثت ثابت کر دے آں، یعنی رب دے پتر اں دی آزادی من دے آں۔

4 - 28-24:273

یسوع مادی قانوناں دی سدھی مخالفت وچ پانی اُتے ٹریا، جتھے نوں روٹی کھوائی، بیمار نوں شفا دتی، تے مردیاں نوں زندہ کیتا۔ اوہدے کم مادی جس یا قانون دے جھوٹے دعویاں اُتے حاوی ہون دیاں ہوئے سائنس دا اظہار سی۔

5 - 18-10:26

مسیح روح سی جنہوں یسوع نے اپنے بیاناں وچ تقویت دتی: ”راہ، سچائی تے حیاتی میں واں“؛ میں تے میرا پواک واں۔“ ایہہ مسیح، یا انسان یسوع دی الوہیت اوہدی فطرت، خدائی سی جنہے اوہنوں متحرک رکھیا۔ الہی سچائی، حیاتی تے پیار نے یسوع نوں پاپ، بیماری تے موت اُتے اختیار دتا۔ اوہدا مقصد اسمانی ہستی دی سائنس نوں ظاہر کرنا سی تاں جو ایہنوں ثابت کرے جو رب اے تے جو اوہ انسان لئی کر دالے۔

6 - 10-7:337

اصلی خوشی نئیں انسان نوں اپنے اصول، الہی محبت دے نال ہم آہنگ ہونا چاہیدا اے؛ پترنوں پیو دے نال، مسیح وچ مطابقت دے نال اکٹھیاں ہونا چاہیدا اے۔

7-25:40 -7

ساڈا اسمانی پیو، الہی محبت، ایہہ مانگ رکھدا اے پئی ساہنوں ساڈے مالک تے اوہدے چیلیاں دے نمونے مگر ٹرناں چاہیدا اے تے بس اوہدی شخصیت دی عبادت نئیں کرنی چاہیدی۔ ایہہ گل افسوس ناک اے پئی الہی خدمت دا جملہ عام طور تے روزانہ دے کماں دی بجائے عوامی عبادت دے معنیاں دے نال آیا اے۔

مسیحت دی فطرت امن پسند تے برکت والی اے، پر بادشاہی وچ وڑھن لئی، آس دا لنگر اوس شکنہ دے اندر مادے دے پردے توں اگے نئیں ضروری اے جیدے وچوں یسوع ساڈے توں پہلاں لنگ چکیا اے، تے مادے توں اگے دی ایہہ ترقی راستباز دیاں خوشیاں تے فتح مندی تے ایہدے نال نال اوہدیاں تکلیفاں تے دکھاں دے نال آؤندی اے۔ ساڈے مالک وانگر ساہنوں وی مادی فہم توں ہستی دے روحانی فہم ول رخصت ہونا چاہیدا اے۔

28-17:19 -8

توبہ تے دکھاں دا ہر احساس، اصلاح دی ہر کوشش، ہر چنگی سوچ تے کم پاپ لئی یسوع دے کفارے نوں سمجھن وچ مدد کرن گے تے ایہدی افادیت وچ وی مدد کرن گے؛ پر جے پاپی پاپ کرنا تے توبہ کرنا، پاپ کرنا تے معافی منگنا جاری رکھدا اے، تے کفارے وچ، رب دے نال ایکا کرن وچ اوہد ابوہت گھٹ حصہ ہووے گا، کیوں جے اوہدے وچ عملی توبہ دا گھاٹا اے، جیہڑی دل دی اصلاح کردی تے انسان نوں حکمت دی مرضی نوں پورا کرن دے قابل بناؤندی اے۔ اوہ جیہڑے، گھٹ وگھٹ کسے حد تیکر، ساڈے مالک دیاں تعلیماں تے عمل دے الہی اصول دا اظہار

نئیں کر سکدے اوہناں دی رب وچ کوئی شراکت نئیں۔ بھانویں رب بھلا اے، جے اسی اوہدے نال فرمانبرداری وچ حیاتی گزارئیے، تے ساہنوں کوئی ضمانت محسوس نئیں کرنی چاہیدی۔

## 9- 20-18.14-10:38

یسوع نے آکھیا: ”ایمان لیان والیاں دے وچالے ایہہ معجزے ہون گے۔۔۔ اوہ بیماراں اُتے ہتھ دھرن گے تے اوہ چنگے ہو جان گے۔“ کون اوہدے اُتے ایمان لیاند اے؟ اوہ اپنے چیلیاں نال گل کر رہیا سی، پر اوہنے ایہہ نئیں آکھیا پئی، ”تھاڈے وچالے ایہہ معجزے ہون گے“، بلکہ اوہناں دے وچالے، ”اوہ ایمان لیاؤندے نے“، آؤن والے ویلے وچ۔۔۔ اک ہور موقع اُتے یسوع نے دعائیتی، صرف بارہ چیلیاں لئی نئیں، بلکہ اوہناں لئی وی جیہڑے ”ایہناں دے کلام دے راہیں“ ایمان لیان گے۔

## 10- 19:496 (اسی)۔19

ساہنوں ساریاں نوں ایہہ سکھنا چائیدا اے پئی حیاتی رب اے۔ اپنے آپ نال سوال کرو: کیہ میں اچھی حیاتی جی رہیا واں جیہڑی اعلیٰ چنگیائی تیکر رسائی رکھدی اے؟ کیہ میں سچائی تے محبت دی شفافیہ قوت دا اظہار کر رہیا واں؟ جے ہاں، تے ”دوپہر تیکر“ رستہ روشن ہندا جاوے گا۔ تھاڈے پھل اوہ سب کجھ ثابت کرن جو رب دا ادراک انسان لئی مہیا کردا اے۔ ایس خیال نوں ہمیشہ لئی اپنالو پئی ایہہ روحانی خیال، پاک روح تے مسیح ای اے جیہڑا تہانوں سائنسی یقین دے نال اوس شفا دے قانون دا اظہار کرن دے قابل بناؤند اے جیہڑا پوری اصلی ہستی نوں بنیادی طور تے، لوڑتوں بوہتا تے گھیرے وچ لیندیاں ہوئے الی اصول، محبت اُتے نیور کھدا اے۔

## روزانہ دے فرض

میری بیکریڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

### مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

### فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جا رہا نہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔